

Dì

U ventu d'inguernu
Chì pichja à le porte
Qualcosa chì pienghje
Qualcosa à lu core
Si sente u cantu
Di a vita chì dorme
È tù
Ch' eo cercu à u filu
D'un sognu chì passa
È tù
D'un vechju secretu
Chì mai si squassa

Induve sì/dimmi lu viaghju
A strada fiurita/induv'è tù vai tù

U vechju rillogiu
Si ghjoca di l'ore
Un battellu chjama
In fondu à lu portu
Qualcosa chì geme
À u celu mortu
È tù
S'ellu ti ne parla
U ventu d'inguernu
È tù
Fà chì lu mio cantu
Ùn si ne voli indernu

Induve sì/dimmi lu viaghju
A strada fiurita/induv'è tù vai tù ...